

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik  
Broj: 02/12-19-16984/20  
Sarajevo, 16.12.2020. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14), člana 3. stav (2) tačka b) Pravilnika o provođenju postupka zajedničke javne nabavke i osnivanje centralnog nabavnog organa („Službeni glasnik „BiH“, br. 55/15), člana 6. tačka d) Sporazuma o realizaciji projekta rekonstrukcije ulice Adema Buće u dužini od cca 950m, na području Općine Novi Grad Sarajevo broj 02/02-11-15480/20 od 10.9.2020. godine i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine i broj 02/12-45-8834/20 od 02.7.2020. godine, a na preporuku Komisije za javnu nabavku radova, Općinski načelnik donosi:

## **ODLUKU**

### **o izboru najpovoljnijeg ponuđača u predmetu zajedničke javne nabavke – Izvođenje radova na rekonstrukciji ulice Adema Buće u dužini cca 950m**

#### **I**

Prihvata se preporuka Komisije za javnu nabavku radova i okvirni sporazum za javnu nabavku u predmetu – Izvođenje radova na rekonstrukciji ulice Adema Buće u dužini cca 950 m, broj obavještenja 422-1-3-252-3-153/20, objavljeno na Portalu javnih nabavki dana 19.10.2020. godine i “Službenom glasniku BiH- Oglasnik javne nabavke” i ispravka za obavještenje o nabavci broj 422-1-3-252-3-161/20, objavljeno na Portalu javnih nabavki dana 27.10.2020. i broj 422-1-3-252\_20, objavljeno na Portalu javnih nabavki dana 02.11.2020. godine, dodjeljuje se ponuđaču „Orman“ d.o.o. Kiseljak, sa ponudenom cijenom za okvirni sporazum u iznosu od 1.087.930,00 KM bez PDV-a, odnosno 1.272.878,10 KM sa PDV-om.

#### **II**

Zadužuje se Služba za zajedničke poslove da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

#### **III**

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumente tražene u tački 3.1.3. tenderske dokumentacije koji se odnose na član 45. stav 2 tačka od a) do d) Zakona. Dokazi koje će dostaviti odabrani ponuđač moraju biti original ili ovjerene kopije i ne mogu biti stariji od 3 mjeseca, računajući od dana utvrđenog kao krajnji rok za predaju ponuda.

Konstatuje se da je ponuđač dostavio dokumentaciju traženu tačkom 3.3.2 tenderske dokumentacije koja se odnosi na ekonomsku i finansijsku sposobnost, te se oslobađa naknadnog dostavljanja iste.

### **Obrazloženje**

Odlukom broj 02/12-19-16984/20 od 01.10.2020. godine Općina Novi Grad Sarajevo pokrenula je postupak zajedničke javne nabavke sa Direkcijom za puteve Kantona Sarajevo – Izvođenje radova na rekonstrukciji ulice Adema Buće u dužini cca 950 m, broj obavještenja 422-1-3-252-3-153/20, objavljeno na Portalu javnih nabavki dana 19.10.2020. godine i “Službenom glasniku BiH- Oglasnik javne nabavke”, br. 67/20. Izmjene tenderske dokumentacije su izvršene obavještenjem

broj 422-1-3-252-3-161/20, objavljeno na Portalu javnih nabavki dana 27.10.2020. godine i "Službenom glasniku BiH- Oglasnik javne nabavke", br. 71/20 i obavještenjem broj 422-1-3-252\_20, objavljeno na Portalu javnih nabavki dana 02.11.2020. godine. Predmetni postupak zajedničke javne nabavke pokrenut je sa Direkcijom za puteve Kantona Sarajevo na osnovu člana 3. stav (2) tačka b) Pravilnika o provođenju postupka zajedničke javne nabavke i osnivanja centralnog nabavnog organa („Službeni glasnik „BiH“, br. 55/15) i člana 6. tačka d) Sporazuma o realizaciji projekta rekonstrukcije ulice Adema Buće u dužini do cca 950m na području Općine Novi Grad Sarajevo, broj 02/02-11-15480/20 od 10.9.2020. godine.

Zapisnikom o otvaranju ponuda od 13.11.2020. godine Komisija je konstatovala da su u predviđenom roku, u propisno upakovanim kovertama, pristigle četiri (4) ponude ponuđača: 1. „GRAKOP“ d.o.o. Kiseljak, 2. „MGBH“ d.o.o. Sarajevo, 3. „MIBRAL“ d.o.o. Sarajevo i 4. „ORMAN“ d.o.o. Kiseljak.

Nakon što je Komisija utvrdila da su blagovremeno pristigle četiri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „MGBH“ d.o.o.Sarajevo ne ispunjava kvalifikacioni uslov tražen u tenderskoj dokumentaciji iz tačke 4.1.1. „Ponuđači su obavezni da pripreme ponudu u skladu sa uslovima koji su utvrđeni u ovoj tenderskoj dokumentaciji. Ponude koje nisu u skladu sa ovom tenderskom dokumentacijom će biti odbačene kao neprihvatljive.“, kao i tačke 4.4.1. „Ponuđač treba popuniti obrazac za ponudu i obrazac za cijenu ponude koji se nalazi u prilogu ove tenderske dokumentacije, u skladu sa svim podacima koji su definisani u Aneksima 2. i 3.“. Ponuđač „MGBH“ d.o.o. Sarajevo nije preuzeo izmjene tenderske dokumentacije izvršene obavještenjem broj 422-1-3-252\_20, objavljeno na Portalu javnih nabavki dana 02.11.2020. godine, te shodno tome nije dostavio ponudu u skladu sa tenderskom dokumentacijom, odnosno Aneksom 3 – obrazac za cijenu -radovi. Uvidom u dostavljenu ponudu ponuđača „MGBH“ d.o.o. Sarajevo na stranici 21. ponude utvrđeno je da obrazac za cijenu, odnosno -rekapitulacija III – saobraćajna signalizacija nije u skladu sa izmijenjenom tenderskom dokumentacijom.

Iz naprijed navedenog razloga utvrđeno je da ponuđač „MGBH“ d.o.o. Sarajevo ne ispunjava uslove tražene u tenderskoj dokumentaciji iz tačke 4.1.1. - priprema ponude i 4.4.1. – cijena ponude, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je utvrdila da ponuđač „Mibral“ d.o.o.Sarajevo ne ispunjava kvalifikacioni uslov tražen u tenderskoj dokumentaciji iz tačke 3.4.1 a) i d). Tačkom 3.4.2. određeno je da će ocjena tehničke i profesionalne sposobnosti ponuđača biti izvršena na osnovu sljedećih dokaza:

“a) Lista izvršenih ugovora ponuđača koji su u vezi predmetom nabavke a koji su realizovani u posljednje tri godine sa vrijednostima, datumima i naručiocima radova kao dokaz da je dobavljač uspješno izvršio najmanje jedan ugovor koji za predmet ugovora ima radove koji su u vezi predmetom nabavke vrijednosti najmanje 650.000,00 KM sa PDV-om Uz spisak izvršenih ugovora ponuđač je dužan dostaviti najmanje jednu potvrdu za ugovor koji za predmet ugovora ima radove koji su u vezi predmetom nabavke, vrijednosti najmanje 650.000,00 KM sa PDV-om ,koju je izdala ugovorna strana –naručioc radova, a koja obavezno sadrži: naziv i sjedište ugovornih strana ili privrednih subjekata, predmet ugovora, vrijednost ugovora,vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbijede;

e) Dokaz o obezbjedenosti opreme neophodne za obavljanje predmetnih radova. Kao dokaz se dostavlja izvod izknjige osnovnih sredstava ili ugovor o iznajmljivanju opreme, za kamione dostavlja važeća saobraćajna dozvola; (orginal ili ovjerena kopija)a za radne mašine važeću saobraćajnu ili upotrebnu dozvolu(orginal ili ovjerena kopija).”

Uvidom u ponudu ponuđača „Mibral“ d.o.o. Sarajevo konstatovano je da ponuđač dostavio pet potvrda o uspješnoj realizaciji ugovora, ali da Komisija nije prihvatila niti jednu potvrdu iz razloga jer

se iste ne odnose na radove koji su u vezi sa predmetom nabavke ili iz razloga što se potvrde odnose na realizaciju ugovora čija je vrijednost manja nego je to zahtijevano tenderskom dokumentacijom, odnosno iz razloga jer Komisija nije mogla utvrditi vrijednost radova koji su u vezi sa predmetom nabavke jer se potvrde odnose na više vrsta radova.

Nadalje, uvidom u ponudu ponuđača „Mibrala“ d.o.o. Sarajevo na stranicama 101. i 105. utvrđeno je da saobraćajne dozvole za kamione nisu važeće kako je to traženo tenderskom dokumentacijom, odnosno da su istekle dana 08.11.2020. godine,.

Iz naprijed navedenih razloga utvrđeno je da ponuđač „Mibral“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1 a) i d) – tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je utvrdila da preostale dvije ponude ponuđača „Orman“ d.o.o. Kiseljak i „Grakop“ d.o.o. Kiseljak ispunjavaju formalno-pravne i kvalifikacione uslove tražene u tenderskoj dokumentaciji. Izvršena je računska kontrola ponuda i konstatovano je da nije bilo računске greške.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi: 1. „Grakop“ d.o.o. Kiseljak sa ponuđenom cijenom za okvirni sporazum u iznosu od 1.089.020,72 KM bez PDV-a i “Orman” d.o.o. Kiseljak sa ponuđenom cijenom za okvirni sporazum u iznosu od 1.105.296,06 KM bez PDV-a.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 03.12.2020. godine sa početkom u 14:45 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-252/20 od 04.12.2020. godine, Komisija je utvrdila da konačna rang lista ponuđača koji su učestvovali na e-aukciji izgleda kako slijedi:

1. “Orman” d.o.o. Kiseljak sa ponuđenom cijenom za okvirni sporazum u iznosu od 1.087.930,00 KM bez PDV-a,
2. “Grakop” d.o.o. Kiseljak sa ponuđenom cijenom za okvirni sporazum u iznosu od 1.089.020,72 KM bez PDV-a.

U skladu sa članom 8. stav (3) Pravilnika o uslovima i načinu korištenja e-aukcije izvršeno je umanj enje za svaku poziciju tehničke specifikacije za procenat koji iznosi konačno procentulno umanj enje cijene postignute nakon e-aukcije za prvorangiranu ponudu, tako da ponuđena cijena za okvirni sporazum ponuđača „Orman“ d.o.o. Kiseljak iznosi 1.087.930,00 KM bez PDV-a, odnosno 1.272.878,10 KM sa PDV-om, o čemu je ponuđač dostavio saglasnost od 09.12.2020. godine.

Shodno navedenom Komisija je dala preporuku za zaključenje okvirnog sporazuma sa prvorangiranim ponuđačem.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

#### **DOSTAVITI:**

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

